


**PRONOSTICATION / NOVVELLE, POVR L'AN Mil cinq cens.cinquante &
huit. Compofee par Maiftre Michel Noftra- Damus, de Salon de Craux en Pro- uence
Docteur en Medicine. A PARIS, / Par Guillaume le Noir, Rue faint Iaques à la Rose
blanche couronnee AVEC PRIVILEGE.
CF. Bibliotheque royale de La Haye (NL)**

PRONOSTICATION
NOUVELLE, POVR L'AN
Mil cinq cens cinquante & huit.

Composée par maistre Michel Nostradamus, de Salon de Craux en Provence, Docteur en medecine.



A PARIS,

Par Guillaume le Noir, rue saint Iaques, à la
Rose blanche couronnée.


AVEC PRIVILEGE.

A TRESVERTVEUX, ET ILLV-
STRE SEIGNEVR, LE SEIGNEVR GVILLAV-
me de Gadagne, Seigneur de saint victor, Baron de Lunel,
Baillif de Mascon, seneschal de Lyon, & Gentil-
homme de la chambre du Roy,

M. Nostradamus desire salut & felicité.

MOnseigneur en recordation du bon acueil
que vostre excellence me feit dans vostre
maison à Lyon, allât à la court, en tât grād
& sumptueux cōiue, accōpagné d'vn nō-
bre de graues personnages, tous d'hōneur,
de doctrine, de noblesse, & erudition, de mon reuenu
annuel par vne recordation vous ay voulu consacrer
ce petit exigu labeur. Il Vous plaira de le prēdre en gré
& si ie puis entendre que vostre seigneurie n'y prenne
desplaisir, prendray peine vous consacrer œuure qui ne
sera d'vn an: mais sera digne de perpetuelle memoire
en recordation de vostre bienfait. Il vous plaira donc
seigneur prendre en gré cecy, qui n'est rien quant au
respect de V. S. mais qui vous fera cognoistre l'obeisāt
seruice, que perpetuellemēt vous portera vostre hum-
ble & de tous voz seruiteurs, toute sa vie. De Salon ce
premier iour de May 1557.

DE LA DISPOSITION GENERALE
de la presente annee 1558. selon la plus parfaite
prediction des Astres.

 Duerſum me loquebantur, qui ſede-
bant in porta aurea : & in me pſalle-
bant qui bibebant merum aſpidū in
labiis eorum. Il ne faut pour cela laiſ-
ſer de rediger en peu de carte la futu-
re predictiō de la presente annee Mil
cinq cens cinquāte huit. Mars eſt à Saturne conioinct.
Totum dant acerbis cladibus annum. que, ſi Dieu n'y
met la main, ie doute fort que le genre humain n'ayt
beaucoup à ſouffrir la presente ānee, & pluſieurs autres
comme ſelon les influences celeſtes il appert quant
aux biens de la terre, eſtre grandemēt fertile: qui eſt le
premier point, ou conſiſte toute la vie humaine. mais
quant à autres factiōs, tumultes, & martiales emotions
les aſtres ſont ſi manifeſte apparence, & ont tellement
enflāmé les cœurs de ceux qui nullemēt ſont comprins
aux influēces celeſtes, que le tēps ne ſe pacifiera nulle-
ment, que ne ſoit aduenu. ce qu'occultemēt ceſte moy-
enne conioction de Saturne & de Mars ſignific: qui eſt
le premier iour du moys d'Auril, eſuyuāt apres l'eclipse
de la Lune : qui ſera preſque du tout eclipse, & vraye-
mēt cela ne ſera ſans preſager, par quelque extension
de temps, diuerſes aduentures, telles & ſi effrenement
formidables, que les plus grands Martiaux meſmes ſe-
ront contrains de delaiſſer la plus part de leurs entre-
priſes, & donner lieu à la diſpoſitiōn du tēps, combien

vrayemēt que cela n'aduiēne point écores en ce terroir
mais guieres ne tarde , que le poure peuple sera tant fa-
ché, qu'il esperera plustost la mort naturellemēt aduenir
par les enormes pestilentes affectiōs , que de voir n'at-
tendre le pere ses propres enfans v̄dus par la main des
ennemis , dilacerer leurs membres. combien que de
toutes telles & plus que , prodigieuses afflietiōs l'vniuersel
regne Gauloys en soit totalemēt exempt, touttefois vne
profonde commiseratiō m'esmeut des natiōs estrāges,
lesquelles seront fort affligees: car les Astres, ensemble
vniz & accordez par vne harmonie, presagent non tant
seulemēt ceste presente anne 1558. mais aussi plusieurs
des suyantes presque iusques à 1562. & du moys de
May, ou est vne autre conionctiōn , qui fait indice de
passer là, ou de faire augmēt: & encor que les menasses
celestes ne soiēt que deuers les Meridionaux, & Orien-
taux, ce nō obstant il m'a semblé bon le vouloir rediger
par escrit . car le glaiue de Dieu eternal est luyant par
plusieurs famines , mortalitez , effusions sanguinaires,
seditions populaires: mais d'autres plus grandes tristes
aduentures prouenir deuers l'Assyrie, dequoy ie trouue
la pestilence & famine estre si grande, qu'elle ait esté
iamais, que l'air sera tellement infect par quelque con-
stellation qui s'apparoistra in Leone , & Cancro , que
guieres ne tardera de descendre par ces pays meridio-
naux, & septentrionaux , avec forte estrange mutation
de Regne & d'estat, oppressiōs de raison & de loix, &
vn autre poinct plus grand , qu'il ne fault obmettre qui
à son extension par la plus part de l'Europe, que les
Princes & Monarques auront ceste année certaine pe-

riclitation du murmurement du peuple par trop extreme & intolerable opprefion. avec ce que combien que le bien de la terre face tresgrande & louable apparence de tous bledz, grains & fruiçts des arbres, si est ce qu'il y aura trop grande abondance de ce que mieux feroit n'en auoir point, que tāt en abonder: qui sont les vermines, qui corrodent la plus part de la verdure, & de ce que la terre aura produit &, qui sera cueilly, & le pays qui sera non du tout sec viendra à produire & non produire ce que les humains auroient befoing, & non befoing. Aussi ie treuve que cestuy an le monarque de la Hierarchie de toutes ses forces pacifiera la Repub. Chrestienne, combien vrayemēt que le ciel ne face aucune apparence de paix, ce nonobstāt luy sera de louange fait. *Huc nomen Pauli, gladium Pauli, omnia Pauli.* At bonus hic multis intulit auxilium. Combien aussi que sont plusieurs oppositions celestes, qui repugnent totalement à icelle pacification: mais le temps adonné à plusieurs calamiteuses varietez, par autres facheries que par guerres, que plus troubleront les humains par diuerses maladies, & pestilentes inuasions par tout le discours de l'année, & est vn des principaux signes celestes, qui presagent les maladies epidimiques prendre premierement entre les limites; de la fin de l'Europe, & le commencement de l'Affrique courir celle pestillente contagion, qui s'approchera du climat meridional, aux plus principales citez d'Italie & d'Espaigne, & paruiendra iusques pres de la mer mediterraneē (mais non iusques à l'an 1559. là enuiron) & sera tant espouventable que la pluspart du monde se viendra à diminuer, & sera

la pestilence si horrible, que les oyseaux mesmes du ciel n'en eschapperont, & commencera peu apres le Solstice hiemal. car le commencement de l'hyuer sera en partie moderé & attrempé, & non sans froidure forte & glaciale de neiges, pluyes, broillas, la pluspart peu attrempé. Le milieu de l'hyuer sera froid & humide, avec grands vents, & la fin d'iceluy sera plus adonné à pluyes & vents peu moderez, faisant diuerses esmotions, que seront la pluspart perturbées, & interrompues, & seront les eaux fort augmentées, combien que iouxte la doctrine de Democritus en ses Semaines, fait affirmation les eaux n'estre en trop grande abondance, lesquelles serōt grandemēt nuisibles aux autres, horsmis du bien de la terre, & peu à peu les eaux par les neiges liquefies augmenteront, que ne sera sans grand detrimēt aux culteurs de la terre. l'Esté auant le 16. & 20. Iuillet sera mediocre, participant plus de chaleur & d'ardeur inflammatiue, que d'aucune autre qualité : & seront au milieu du printemps les vignes grandement en danger de la bruine & plouuine qui viendra à brusler, ou faudra prier Dieu que telles auentures il nous vueille preseruer, & durant ce temps d'Esté, & printemps serōt par mer & par terre qui se faindront de n'auoir entendu paix, pache, cōdition de repos martial ne tresue, qui plus nuiront par quelque temps de fainct repos, que du temps de l'espée & glaiue sanguinolent.

Quid non mortalia pectora cogis, Auri sacra fames?
Avec ce que seront durant ce temps conseilz violents, & pernicious, diuisions, trahisons, rebellions, & superemotions, tourmens, bannissemens: les espritz & enten-

demens des plus grands seront tellement faschez & troublez, qu'ilz diminueront le sommeil, le repos diurne, le boire, le manger, & le passeremps, & par opposite ilz vaqueront tellement nuit & iour au fait martial, qu'ilz augmenteront deuers les pays barbares leurs regnes de beaucoup, signifiant avec ce aux Mercurialistes grande diligence d'estude & suprefme doctrine & erudition: mais aufsi mesprisement & destruction d'icelle, menaffant oultre ce aux Meridionaux & Orientaux vne ardante & inextinguible libide, avec occisiōs, depredatiōs, proces, debats, discords, dissentions & grādes diuifions entre parents, prochains voisins, & alliez amys. oultre ce, maladie de teste, mal des yeux, prurité, & seront quelques vents: mais doux, benigns & amiables, qui viendront destruire totalement les violences des vents austraux & septentrionaux. l'Automne sera plus facheux que toute l'année pour cause de la contagion des maladies, & par plusieurs maladies des plus apparens que par subite mort de ceux là, le terroyr sera abandonné, & les honneurs, reuerences, & salutatiōs de paix aux plus grans seront defendues. Prions à Dieu que les fulgurations, gresles, tempestes, affections pestilentes, tremblement de terre, famine & telles furieuses & martiales calamités qui apparoissent par les ymages celestes aduenir, qu'il luy plaife par sa grace les vouloir mitiguer, & que ce mouuement de Roy, de region en autre que pour ceste année ne soit signifiant par aucunes coruscations, mouuement de 48. à 45. que ce ne seroit que quelque mutation d'air toute contraire. Le commun peuple ne sera ceste année sans estre en grād

tumulte & sedition, les vns tueront les autres dans les temples, mesme ne deffailira qui ira mettre à mort son plus proche parent. Dans les maisons seront meurtris, destrouffez, derobez, & plusieurs temples profanez, pilliez, expoliez: & seront pollues & souillées les mains des plus proches, hors mis guerre être monarques, serôt de telles querelles, debatz & noises, que se cōmettront des choses fort enormes. Mars monstrera bien qu'il suscitera intrinsequemēt plusieurs execrables emotions. plusieurs à table, apres que le pere liber aura fait son debuoir, se viendront à emouuoir telles querelles, que de long temps ne s'appaiseront sans grande effusion sanguinolēte, par le bruit & tumulte que tout à vn coup sortira. Seront morts plusieurs que par leur defaillimēt la pluspart de leur fureur sera estaincte, & courra l'vn contre l'autre: mourront à la place qui sous vmbre de pillerie voudront defendre les inondations aux septentrionaulx & meridionaux, seront faits extrauagantes, de tous fruiçtz grande & merueilleuse apparence, & de tous animaux. Le fruiçt sera cōmode, la santé, hors mis pestilente affection, sera rare. Les nations contre les nations courront faisant pillerie l'vn contre l'autre. Priōs Dieu qu'il nous vueille donner grace de passer ceste année en paix & tranquillité.

D V P R I N T E M P S · 1558.

Le Printemps commencera ceste année le xi. iour de Mars, le Soleil entrant au premier poinçt d'Aries, à 0. degré 53. mi. la Lune a 16. deg. 40. mi. de Leo, qui à son commencement sera chaut, humide, & Mars dominant en Aries, puis ayant aduisé la planette Solaire

qui s'estoit coniointe avec Iupiter, la Lune à la teste du dragon. le 29. du moys de Decembre dernier passé, qui signifioit les principaux Monarques Chrestiens faire quelque fait, non fait de pache, trefue, & de paix non paix: car le Soleil qui est opposite de Iupiter le 20. de Iuillet, signifie quelque different de certaines grandes factions, qui ne sortiront en effect, & seront reuoltez, & aussi que la conioction de Saturne avec Mars ennemis precedent, l'eclipse lunaire vient totalement à repugner à telles bencuolences & concordances, combien que par autres aspectz fait apparoir quelque scintille de concorde & vnion: mais non tous compris, ce que sera prins, sera prins. La cause, qui sera cause du grand feu: sera ainsi de l'extinction d'iceluy, & si ne sera tellement estainte ne suffoquée, que la mode Latine, en France deuers les regions Latines, ne face trembler toute la partie meridionale: mais beaucoup plus grande felice prosperité deuers le pays oultre les Alpes, & que là environ le regne des Gaulois augmente: mais d'ailleurs ou lon entrera dans le cœur, lon en sortira que par le moyen de Mars du tout assoupy, & non du tout: avec vne pache de paix, iouxte les apparences celestes, ne sortant rien en effect, & si treuve d'auantage que quelqu'un des principaux monarques, qui ne demande que sa ruine, non de luy ne moins de son regne, mais qu'en faisant paix mal à luy, bien ad milites, & autres de paix non paix, & aussi ie treuve que des quatre quartiers Rome se trouuera close, tellement que ne seront deffailles de Scuola, ou du fait semblable, & l'un qui tiendra, & de present tient, que pour vne simple audition, ou rap:

port de perte de non conflict, & conflict n'attendra les seures nouvelles, & s'en retournera en arriere comme cil qui ne porte, aussi pour cause de l'eclipse lunaire, qui est le 2.iour d'Auril, qui concerne commencement du printemps, que sa malice, & son sinistre presage durera autant de moys comme quadruplicant les heures de sa duration: & appert plustost la ruyne & mortalité de tous troupeaux, comme bœufz, vaches, moutōs & semblables, comme afferme Ptolomée en son second liure du Quadripart. chap. 7. au milieu, aussi il ne faut douter que deuers les Espagnes, ou Libra tient la domination: & Romme que par moyen de ceste eclipse n'endurent beaucoup de maux, miseres & calamitez par plusieurs & diuerses afflictions: aussi que la Lune a esté eclipsée 15. degrez, 44. minu. de Lib. qui signifie que la plus grande perte & dommage aduendra à toutes personnes qui trafiquent le fait de marchandise qu'à autre: aussi que les mercurialistes sus ce printemps aurōt à souffrir beaucoup, vne fois seront fort esleuez en honneur & dignité, puis apres seront deprimez, tellement que se trouueront fort en arriere par ceste eclipse. Les astres font apparoir que le fruit de la terre ne sera sans periclitacion, comme afferme le susdit. Si eclipsus fuerit in aliquo signo solsticialium vel æquinoctialium, vel in signo æquinoctiali vernali, in fructibus arborum, cum oriri cœperint earum significationes inuenientur. Et pour cause aussi que telle eclipse a esté en signes mobiles, comme sont Aries & Lib. vient à preseruer de mort, de maladies, d'inconuenient, & de danger les Roys, Empereurs, Monarques, & tous autres grands princes,

à cause qu'il a esté fort esloigné des signes cōmuns . Le milieu du printemps sera attrempé, sec, moderé, nōn sans pluyes, brouillats, & quelques fulgurations tonitrueuses . Le cor sonnē ne sera obey le monarque, plus lon voudra voir son ennemy qu'en auoir rapport, la pluye, le mauuais temps, & le trop bon temps fera mal & bien. La fin du printemps tendra plus à chaleur qu'à humidité, combien que selon la diuersité des regions & pays participera partie de chaleur & humidité, & plus beaucoup de chault qu'autrement, combien que pour la distance du Soleil diametralement opposité, & par la conionction de Saturne à Mars l'vn extrememēt froid, l'autre chault & sec, feront que le tēps sera moderé, que par icelle moderation les faits martiaux seront tellemēt esmeuz, que quelque cry ou renommée que ce soit de pacification, lon ne cessera pourtant que ne se facēt plusieurs embuscades, assaillimens, depredations tant par mer que par terre, & seront faits naufrages par les grandes inondations d'eaux, que parauāt ont esté precedentes. Et si voudrois affermer que quant à ce que cōcerne mon estat de prediction, iouxtc les significations futures des astres, que la paix dommagera plustost que la guerre, & desirera on reuiure Annibal, combien que soyent plusieurs qui par vne temeraire audace voudrōt contrarier à mon opinion, mais i'en laisse le iugement à plus iustes, & à ce qu'il en sera : quia ex bello nascetur pax : mais non pas encores, car telle paix sera grandement preiudiciable: Dieu y pouruoye.

DE L'ESTÉ. 1558.

L'esté commēcra le 12. de Iuin le Soleil entrant au

B 2.

premier point de Cancer à 13. mi. la Lune conioincte à Saturne à 10. degrez, 17. mi. de Taurus, qui sera chaud & sec, sera plus qu'ardent & enflammé, là peu deuant ou apres seront plusieurs mutations de temps, qui contrarieront totalement à noz predictions, & seront iours qui du tout seront exemps d'aspectz, comme iours vuides & vains, qui pour lors seront les plus furieux & plus muables que nul des autres, tellement que cōbien que le temps soit par trop adonné à chaleur ardente & inflammation, ce nonobstant seront plusieurs iours pour la diuersité des vents qui feront tout vn nouveau change, mesme le 2. de Iuin, ou les portes de l'air seront tellement ouuertes, que la chaleur ardente, secheresse & inflammation se viendra à pacifier par le fait de la guerre. Mars ascendant est en grandissime periclitacion de empoisonnement, non de luy, mais par ses faitz: ce qu'il portera sera apparouissant. La grande cité aura plus de besoing: celle famille qui tient les trois graces de marbre blanc en sa maison rentrera par vio'ence, & fera toute la famille aspre de nom presque expolié & extirpé. Par là seront factions terribles. Roma domus fiet Reges mutate quirites. Roma domus fiet duces mutate quirites. Et sin'est il pas temps de faire telles migrations, par le commencement de l'esté seront telles factions par guerrés, que ie treuve s'approcher les malheureuses afflictions de ce terroir: mais ne seront telles que les astres demōstrent estre proches aux regions maritimes, qu'il n'y aura nulle quelle que ce soit, que soit exempte de la plus horrible facherie que iamais aduint à vie d'homme viuant de present: combien que

Dieu eternal qui viendra ouyr l'affliction de son peuple
 captif, & estre entre les mains pches des infideles, ouy-
 ra le plainct & le viēdra deliurer. Le 28. du moys de Iuin
 fera celuy qui portera preiudice grādement aux fruiētz
 de la terre & aux arbres, mais par opposte portera grā-
 de vtilité aux mains sanguinaires . Les nauigās fauoris
 de Mercure seront en leur grād auātage . Deuers le co-
 stē barbare ne viendra que moins qu'il apportera quel-
 que peu deuant . fera vent austral, qui bruslera presque
 tout ce q̄ pour lors sera verdoyāt. ô quelle estrange mu-
 tatiō de tēps, les astres font aparoir: & telles que iamais
 depuis le regne des Chresties n'en fut de telles. Nec mi-
 remur hanc nostrā inferiorē naturā diuersorū hominū,
 Imperatorū, Regū, Principū, & terrarū magnas habere
 mutationes, : ù n' etiā in illa superiori forma & durabili
 materia quasi rectrice fati tā euidēs sit rerū omniū ma-
 nifesta mutatio. que encores demōstre estre plus grāde
 qu'il n'est possible de declairer: presque vne subite reno-
 uation de regne & de siecle, & en plusieurs lieux ou les
 guerres serōt frequētes le Soleil viendra à brusler & cō-
 sumer toute l'humeur de la terre, mesmes durant touto
 l'espace de cest esté: mais que durāt les conionctiōs des
 planetes, mesmes des deux luminaires viēdrōt tellemēt
 à troubler le tēps & esmouuoir tēpeste, mēsmement en
 signes humides, cōme le dernier du moys de Iuin, qui
 viendra à restaurer l'humidité qui par ardeur trop vehe-
 mente sera anichilée. Eritque hac in re œconomia & di-
 ligētia Dei opificis, digna cōsideratione, q̄ ita permuta-
 tæ erūt oppositiones, vt Luna in hac presertim estate
 plena tenebit signa Hyberna frigidiora & humidiora:

& rursus sequēti hyeme plena tenebit signa æstiuā. qui
causera que les pleines lunes durāt cest estē viēdront à
diminuer, tellemēt l'ardeur du Soleil & l'inflāmatiō:&
par oppposite cest hyuer viēdra à moderer le tēps:& tel
le moderation faite par les moyēs & causes susdites se-
ront plusieurs tumultes & emotiōs militaires, tant par
mer q̄ par terre, qui serōt quelque peu intraturbées par
plusieurs mutatiōs cōstituees dans l'inclemēce de l'air.
Serōt ausi diuerses maladies cōtagieuses & pestilētes:
diuers empoisonnemēs:& sera fait vn grād dōmage au
biē de la terre, tant du cueilly que à cueillir. Prinſes, pri-
sons, captiuités, desordres, partialitez, embusches, reuoł-
tes, radimēt, fieures ardātes, cōtinues, tierces, disinte-
ries:aux ieunes flux de sang par le nez auāt l'aage de 36
ans, toutes les eaux cōtaminees, & en plusieurs pays ou
se trouuera plus grāde abondāce de vin que d'eau:& ce-
cy aduenir à la pluspart de l'Italie. & quelque peu de Pro-
uēce, en mer & terre pestilēces:& deuers le pays de Frā-
ce aux lieux esloignez de la planure & mōtueux vniuer-
sel par la Guiēne, par vne partie du Lāguedoc, Perigort,
Rouergue, Bourgogne, Bourbonnois, Viueray, Dauphi-
né, vne partie de la Sauoye, Auuergne, tout le long de
Loyre, vne partie de la Frāce, Bretagne & Aniou: la tē-
peste, tōnerre, gresle & eclipse dōmagerōt beaucoup le
bien que pour lors sera sus la terre apparoiſſant:& pour
cause que aucuns malins aspectz seront cōtraires. & du-
rera cest estē touchāt celle gresle & tēpeste que sera vne
chose terrible voyāt dresser celle nuee tant obscure qui
sera ensainte de telle maligne deuastation. O dij talem
terris auertite pestem. de faire priere à Dieu eternal. En

minitare acré cruēta securi. La peste au bestail de troupeau sera grāde. dans cest esté seront plusieurs iours diuers: mais beaucoup du primptēs. mourrōt de grās personnes d'hōneur & de plaincte: mesmes ieunes enuirō 40. ans, & plusieurs autres qui ne serōt guieres moins à plaindre: prelatz & autres que leur sepulchre ne sera là ou ilz pretēdoiēt: mais hors du terroir de leur natiuité, & d'autres que presques demy mors s'en retourneront dens leur terroir avec la dextre estēdue. Ceste annee est vrayemēt celle q̄ ceux que Mars viēt à dominer, la plus part serōt esleués, enrichis nō mois de grādes richesses, que d'estude & bōne renōmee: & serōt plusieurs que par couardise & retardemēt, & classe nō esperée, qui se arracherōt la barbe de n'auoir voyagé. Nous priérons tous Dieu vnanimés qu'il nous face telle grāce que puissiōs nō tant seulemēt passer cest esté, mais toute l'annee, & que telles calamiteuses prediſtions ne nous aduiennēt.

DE L'AUTOMNE 1558.

L'automne cōmencera le 14. de Septēbre le Soleil entrant au premier poinēt de Libra, qui sera froid & sec: la Lune à 3. minu. de Scorpio froid & sec par tous endrois tendant à frescheur & humidité, avec broillats & vents frais: participāt à son commēcemēt de chaleur & secheresse; cōbien que les premiers iours seront pluuioux par les signes qui selon leur cōstitution ainsi establis menasent de deux qualitez cōtraires, assauoir siccité & superfluē humidité: & le tout resolu les deux qualitez seront exuberātes, tant que la secheresse surmōtera la chaleur: puis au milieu sera fort humide: & deuers la fin froid & sec, participant de la constitution des iours diuers: il est

bien vray que le cōmencemēt sera maladif & pestilēt:
innumerable pourté vagante par le fait martial qui
n'aura fait que p ceux qui aurōt magnanimité & cœur
de Lyon. Les vēdenges serōt froides & mouillees, non
sans grād empeschemēt: tout le cours celeste tend à vne
certaine froideur & humidité: & serōt terribles inonda
tions d'eaux. Et ne serōt que es parties septentrionales, &
vne partie du midy. Les effertz de Mars, qui par la vehé
mente ardeur, & mauuaise indisposition de tēps estoiet
en partie mis en oubly, se commencerōt à recueillir. Ne
tardera durāt ce tēps qu'un nouveau esleu & non esleu
ayant avec soy les grans, ne pouuāt faire pis fera le
tēple de Ianus, & le ccindra d'une guyrlande de paix &
de victoire aqoise par prudēce, & belliques stratagemēs.
La variation du tēps sera tant grāde qu'elle fut iamais:
ou possible de long tēps. Au cōmencemēt serōt inonda
tions par pluyes abondātes, nō sans naufrages & sumer
sions. Aussi par le mesme tēps seront secheresses, vents,
broillas, superabondātes humiditez, qui causerōt mala
dies diuerses & cōtagieuses. Les faits Martiaux tant du
cousté des Barbares, que des Chrestiens serōt terribles &
exorbitās tāt que furēt long tēps a par les maladie pe
stilētes, mutatiōs de fieures cōtinues de celles mesmes
qui ont esté durāt l'esté: avec ardeur & inflātion, cha
leurs, alienatiōs de sens: frenesies incōpatibles, principe
de quartes, hidropisies, iaunisses, hectiques, crache ment
de sang: & toutes telles affectiōs ne serōt sans le deffail
limēt de plusieurs personnes, qui serōt plus de plaindre
pour le bien d'autruy, que d'eux mesmes. Le depart de
la mer mediterrane, Sicule, Hadriatique, Ligustique: &

coreyre par estranges nations ne sera sans grād preiudice des Chrestieés. La terre n'aura du tout produit ce qui estoit par vehemente apparāce: car il s'en trouuera plus de la moitié failliz. Les nouvelles de met aux monarques seront que l'vn n'aura dommagé l'autre. Par famine sera prinse ce que tāt de tēps auoit tenu; & se repētera plustost ne l'auoir fait. Le monarque qui deuers cest Autōne fera traitemēt de paix s'en repentira, le principal ne sera ouy en sa cinquiesme voix: les effectz se mōstreront à la fin de l'Autōne: plusieurs inhumanitez par captiues surprises, & par icelles qui paruiēdrōt par violence & force hostile. Quelques autres prinsees faitēs par vne effrenēe pertinacitē, que pour cela le tormēt Ence: au deuāt mis seront mis au fil de l'espēe, telles sinistres apparāces ne se monstrēt que deuers ou Hister passe par là, & ausi pres du Tymbre, Sebetho, Pado, & Rubicon, & plusieurs autres fleues aux regions Italiques, ne les Liguriēs, ne les Demylanes fachez, la gueulle ouuerte crierēt à la faim; que nul secours n'y sera donné: autres facheries demonstrēt les cieux, qui sont ambigues quāt à ma cognoissance, & ne les fussent: nihilominus recendū est. On menera telle resiouissāce en court royale qu'on ait veu long tēps a, horsmis que autūs surprins de quarte que durant l'exces fachez des plus principaux mais sa santé sera bien tost recouuerte. Nous prierons à Dieu qu'il luy plaise nous faire grace de passer cest Autōne sans mal & danger.

D E L'Y V E R.

L'yuer ceste annee commēcera le 12. Decēbre, le Soleil entrāt au premier poinct de Capricōrne, 0. degr. 30.

mi. la Lune à 28. deg. 45. minu. de Capricor. qui au com-
mécement sera froid & sec, avec neiges, glasses, vës sep-
tétrionaux, vne partie austraux, serôt grâs amas de nei-
ges, qui vers la fin se liquefiâs éauerôt enormes submer-
tiôs plus que ne furêt de long tēps: son principe sera in-
constât & muable, participât vne fois de froid vêt, nei-
ges, gelees, verglas, bruines & temps diuers: & apres les
neiges le vent du midy, avec pluyes & iours moderez,
toutesfois ne sera cōmode pour les agriculteurs: cōbiē
que l'yuer selon la cōmune opinion des Astrôlogues, &
& la cōstitution des planetes le tēps apres icelle humi-
dité & secheresse inconstâte, la pluspart du tēps sera cō-
summatif des pluyes. Et pour cause qu'en son milieu se-
ront fais iours attrépez de peu de duréc, serôt faites en-
cores de grâdes inondations, que Dieu vucille qu'en plu-
sieurs païs on ne soit contraint de semer deux fois: & ne
sera sans naufrages plus par fleuves. *Discretam aspiciet
classé Neptunus in vndis.* Durant ce principe d'yuer se
traiteront quelques matieres concernât le fait de l'an-
nee 1559. mais ne sera tant assoupi que ceux qui auront
virilemēt occupé le regne qui leur appartient: par aucūs
iours bons, beaux & paisibles ne cesseront pour cela de
passer outre, l'accord qui se traitera icy ne condescend
nullemēt à la raison, on ne se voudra expolier de ses for-
ces. La cōionction qu'on pretēdoit l'vn par trop subiect
au grād, grand, grād, ne se pourra accorder: combiē que
par les deux parties le voloir y soit grād: mais l'épésche-
ment par lettres de persuasion sera cause de plus grāde
& mortelle guerre que n'a esté long tēps a: puis par les
pluyes, neiges & autres acerbes constitutions de tēps se

reposeront toutes les deux parties : puis feront diuerses inuasions & embuscades par paix fainte & simulée seront fais plusieurs enormes tradimés. Ceux qui auront donné le conseil passer outre estre endoctrinés par ceux du pays seront emeuz & conseillez secretement laisser les lieux, ce que ne se pourra accorder. Le glaiue est perdu au ciel, qui menasse quelques citez grandes de troys principales miseres, facheries & calamitez, combié que par telles influéces les images celestes no^o donnēt quelque scītile d'aduertissemēt: si est ce que les grās suiuront leur fortune, & de vray est fort grāde, par vne emulation pareille ie treuve plus grande prudēce, fortune plus prospere aux limites des insubres: combien vrayement que par tous coustez se monstrent les vaillās Fabiēs, tellemēt qu'onques l'Itale ne fut en tel trouble du tēps que Annibal passa les mons Pirences & Apennius, & passa outre les Latins: toutesfois quelque diuine faction promettoit quelques articles de cōcorde, vnion & paix inassērée, & pernicieuse à l'aduenir aux Gaulois, que aussi appert par vn sextil aspect qui n'est pas du tout de si parfaite amitiē comme le trine : & pendant ce quart mouront quelques personnes de vieil aage, mesmes de prelatore, & d'autres qui auoient regné beaucoup par plusieurs terres & pays, mesmes par l'europe vniuersellemēt, ou nous auōs dressé nostre principal enteni. avec reumes, catharres, pleuresies, appoplexies, distilatiōs de nez & d'vrines, mesmes aux vieux fieures continues, encotes les dissinteries ne seront sedées, quelques signes pestilens. Et seront plusieurs temples prophanés, pilléz & expoliez durant le temps de cest hyuer. Et seront pr

dens ceux qui depuis le premier de Decēbre iusques au 10. de Mars feront guet: car encores seront fais plusieurs destrouffemens & pilleries. Dieu par sa grace les vueille conuertir. Les martiaux durant cest hyuer seront en facherie, & esperance qui ne sera du tout vaine. Prions Dieu qu'il luy plaise nous preseruer des malignes influences que les astres nous font apparoir durant cest Hyuer, & vueille retourner la paix au peuple.

*Des Lunes nouuelles, pleines & quartiers. Premierement
En Ianuier. 1558.*

La plaine Lune le 4. iour à 3. heures, 26. mi. à 22. degrez 19. minutes de Cácer, sera puiueuse se tēdant à moderatiō de tēps avec vens froids, neiges & gellees carharreuses, pleuretiques, & reumatiqs.

Dernier quart le 11. à 2. mi. 0. degre. 25. mi. de Scorpio froid & sec: avec vēs, neiges, gelees, & mutatiōs de tēps reumatique. Nouuelle Lune le 19. à 5. heu. 34. mi. à 6. deg. 52. mi. d'Aquarius, pluuiueuse, tendāt à bōne moderatiō, naisāt quelque cas d'admiratiō. Premier quart le 27. à 0. heu. 17. deg. 52. mi. de Taurus, chaud, humide, attempé, faisant grandes inondations d'eaux & de fleues.

F E V R I E R.

Pleine lune le 2. iour, à 13. heu. 57. mi. à 15. deg. 56. mi. de Leó, chaude, avec vent Septentrional, & autre mutatiō de temps par pluyes, vens, & gelees. Dernier quart le 9. iour à 18. mi. 20. deg. 55. mi. de Scorpio, tēdra à maligne cōstitutiō de tēps. Nouvelle Lune le 17. à 23. heu. 15. mi. à 27. deg. 45. m. d'Aquarius, pluuiueuse & exigue mutatiō de mauuais tēps à bon, emouuāt tumulte d'vne gent cōtrē l'autre. Premier quart sera le 25. iour à 8. mi. à 11. deg. 58. mi. de Gemini, chaude & humide, tendāt à chaleur, pluye & brouillats, & vens.

M A R S.

Pleine Lune le 4. iour à midy 53. mi. à 23. deg. 0. mi. de Virgo, chaude & humide, avec quelque mutatiō de tēps, continuāt brouillats & vēs, avec expedition naualle & terrestre. Le dernier quart le 11.

à 14. mi. sus le point Equinoctial, à 13. deg. 18. mi. de Sagittarius, froid & sec, trouble de tēps, maladis, & quelques tēgēs. Nouvelle lune sera le 19. à 13. heu. 28. mi. à 1. deg. 40. mi. d'Arctis; chaud, humide, tendāt à beau tēps. Dernier quart le 26. à 15. mi. à 7. deg. 27. mi. de Cácer, pluuiuse vn peu, puis tendāt à chalebr & humidité avec mal de teste.

A V R I L

Pleine Lune le 2. iour à 12. heu. 32. mi. à 15. deg. 44. mi. de Libra, froide & seiche, avec vēr, froidure, & encores quelques brouillas, eclipse du tout presageant ce qu'est cōtenu, que à destētion quatre mois. Le dernier quart sera le 10. iour à 9. mi. à 25. deg. 24. mi. de Capricorne froid & sec, peu glacial & pluuiēux; avec quelque brouillas dōinageable aux fruits qui pour lors serōt. Nouvelle lune le 18. à 1. heu. 12. mi. à 6. deg. 55. mi. de Taurus, chaude, humide, attrēpée; avec mod. ratiō de tēps, tumultuēt par mer & terre. Premier quart le 24. iour, à 18. mi. à 2. deg. 58. mi. de Leo; chaud & sec, passāt la fin du mois sans dāger ne periclitatiō de gelée, mais cōmouāt guerre & tēpeste.

M A Y

Pleine Lune le 2. iour à 1. heu. 20. mi. à 20. deg. 34. mi. du Scorpiō plus dāgereuse de gelee matinale que de toute l'année. Dernier quart le 10. à 5. mi. à 27. deg. 28. mi. d'Aquarius; pluuiēux & frais, de secrets & malings effectz. Nouvelle Lune le 17. à 10. heu. 12. mi. à 29. deg. 31. mi. de Thaurus; chaude, humide & attrēpée, tendāt à chaleur. Premier quart le 24. à vnc heu. 11. d'g. 38. mi. de Virgo, chaud & sec, avec vent & inflātion. Pleine lune le dernier iour à 14. heu. 39. mi. en Sagittarius, froide & seiche, avec vens tendāt à chaleur.

I V I N

Dernier quart le 3. à 17. mi. 17. deg. 37. mi. de pisces, chaud & humide, faisant pluye, puis chaleur & seicheesse gēneratiue de fieures chaudes, cōtinues & ardātes. Nouvelle Lune le 15. iour à 17. heu. 45. mi. à 22. deg. 48. mi. de Gemini, chaude & seiche, quelque signe pluuiēux. Premier quart le 22. iour, à 9. mi. à 5. deg. 12. mi. de Libra froid & sec, avec vens Austraux amiable, puis ardeur & inflātion. Pleine Lune le dernier iour à 5. heu. 5. mi. à 14. deg. 54. mi. de Capricornus, froide & seiche, de peu de durée, puis chaleur grande, ardeur pestilente, & de forte inflātion.

I V I L L E T.

Le dernier quart le 8. iour à 7. mi. à 21. deg. 30. mi. d'Aries, chaude & humide, ayt plus de secheresse q̄ d'inflamation, quelq̄ trouble & mutatiō de tēps. Nouvelle Lune le 15. iour, à 0. heu. 42. mi. le Solcil & la Lune de mesmes pointz en Leo, qui sera chaude, seiche, ardāte, & d'extreme inflamation incōpatible & febricitāte. Premier quart le 21. à 19. mi. à 27. deg. 24. mi. de Libra, froid, sec, maling par l'entrée des iours Caniculaires, & mutations de tēps. Pleine Lune sera le 29. à 20. heu. 24. mi. à 5. deg. 45. mi. d'Aquarius, pluuiieuse-peu, & vent tendāt apres chaleur ardāte, & inflamation generatiue de fieures continues, tierces, quotidiēnes; & principe des quartes.

A O V S T.

En Aoust sera le dernier quart le 6. iour à 18. mi. à 13. deg. 41. mi. de Thaurus, chaud & sec, avec gresles & fulguratiōs. icy par tout le moys de Iuin & Iuillet passé iusques à la fin de cestuy, & estrāges mutatiōs de tēps. Nouvelle Lune le 13. iour à 9. heu. 30. mi. à 24. deg. 40. mi. de Leo, chaude & seiche, avec ardeur & inflamation meslees avec vēs, pluyes, gresle, & tēpeste. Premier quart le 20. iour à 10. mi. à 1. deg. 36. mi. de Sagitarius, froid & sec, tēdant à froideur, quelq̄s brouillas & humiditez, subites mutatiōs. Pleine Lune le 28. à 11. heu. 59. mi. à 8. deg. 20. mi. de Pisces, humide tēdāt à bon tēps: mais avec gresle, tēpeste, eclipse, & pluye d'impe-
tuoſité.

S E P T E M B R E.

Le dernier quart le 5. iour à 2. mi. à 20. degr. 36. min. de Gemini, chaud & humide, moderatiō de tēps avec inconstāce. Nouvelle lune le 11. iour à 16. heu. 30. mi. approchāt du point Equinoctial, à 18. deg. 14. mi. de Virgo, chaude & seiche, faisant nouvelles emōtions par mer & par terre. Premier quart le 19. à 2. heu. à 4. degr. 31. mi. de Capricornus, froid, sec, tēdant à pluyes, inondations & grādes humiditez tendāt le pere liber trop attrépé. Pleine lune le 27. à 3. heu. 18. mi. à 11. deg. 31. mi. d'Aries, chaude & humide, avec clemēce de tēps, & la fin notable par vent glacial & btouillās.

O C T O B R E.

Le dernier quart sera le 4. iour, à 9. heu. à 15. deg. 34. mi. de Cācer

pluueuse, & tédant à tēps chaud, doux, attrempé, & brouillars.
 Nouvelle lune le 11.iour à 3.heu. à 26.mi. à 26.deg. 22. mi. de Li-
 bra, froide & seiche avec humidité, mortifiât par maladies dāge-
 reuses de l'age de 36. ans iusques à 50. Premier quart le 18.iour, à
 22.heu. à 24.deg. 10.mi. de Capricorne, froid & sec, pluye, & tēps
 diuers. Pleine Lune le 26.iour à 17.heu. 37.mi. à 3.deg. 30. mi. de
 Taurus; chaude, humide, & attrempce.

NOVEMBRE.

Dernier quart le 2.iour à 16.heu. à 11.deg. 1.mi. de Leo, attrépe,
 avec pluyes, brouillas, estrāge mutatiō de tēps. Nouvelle Lune le
 9.iour à 17.heu. 24. mi. à 17.deg. 48. mi. de Scorpio, froide, piquā-
 te, cōmencemēt de neige, mutatiō de tēps en diuerses cōstitutiōs.
 Premier quart le 17. à 18.heu. à 26.deg. 9.mi. d'Aquarius; pluueux
 tendât à mauuais tēps inōdations de fleues faisant ēpēchemēt
 aux semēces. Pleine Lune sera le 25. à 7. heu. 33. mi. à 9. deg. 9
 min. de Gemini, attrépe, puis diuerses mutatiōs de temps.

DECEMBRE.

Le dernier quart le 2. iour à mydi. à 20. deg. 20. min. de Virgo
 peu attrépe, puis par pluyes & neiges du tout abastardy delaisât
 le bon tēps. Nouvelle lune le 20.iour à 10.heu. 44. mi. à 22. deg. &
 22. mi. de Sagit. froide & seiche, tendât à mauuais tēps, mesme du
 12.iour, & quelques iours attrépez cōme de prime vere peu dura-
 ble. Premier quart le 17.iour, à 14.heu. à 28.deg. 34. mi. de Pisces,
 froid & sec, quelque iour attrépe, puis cōtinuât en froidure. Plei-
 ne Lune le 24.iour à 19.heu. 22. mi. à 2. deg. de Cancer, pluueuse,
 quelque peu moderée de mauuais tēps, & la fin de l'an reumatiq
 & quatarreuse. Priōs Dieu qu'il nous doint grace de passer l'an-
 née en paix, amour, vnion & concorde les vns avec les autres.

Almanach pour l'an M. D. LVIII.

Nombre d'Or	1.	Pasques	10. Auir.
Epacta	11.	Rogations	15. May.
Cycle solaire	27.	Ascension	19. May.
Lettre Dominicale	B.	Pentecoste	29. May.
Indiction Romaine	1.	Corpus Christi	9. Iuin.
Septuagesime	6. Fe.	L'aduent	27. Nouēbre.
Quadragesime	23. Fe.	Interualle 3. semaines,	vn iour.

EXTRAICT DV PRIVILEGE.

Par sentence donnee de monsieur le Yreust de Paris ou son Lieutenant-civil. Il est permis & octroyé à Guillaume le Noir, libraire & relieur de liures iuré en l'Vniuersité de Paris, d'imprimer & mettre en vente, les Almanachs, Presages, Pronostications & predictz. composez par M. Michel nostradamus, & defendu à tous libraires, imprimeurs, & autres personnes, de quelque estat qu'ilz soyent de n'imprimer, ou faire imprimer ne mettre en vente lesdictz Almanachs, Pronostications, Presages & predictz, composez par ledict nostradamus, sinon ceux que ledict le Noir aura imprimez ou fait imprimer, sur peine de confiscation desdictz liures, de prison, & d'amende arbitraire. Fait le lundy vingtiesme iour de Septembre, Mil cinq-cens cinquante sept.

:Signé Goyer.

